

Filemon

¹ Kristo Yesuac hésa ic ni Paulo zéma ninzén ninzénac ic munana Timoteo nerej ic ala soroc, ai momacnira Filemon zéma ² embac soroc, ninzén ninzén naujnira Apia zéma Yesuac téngin ic* momacnira Akipo zéma Filemon guac amaiguc hénarinj azoroanzu ionac muru momacnec ³ Manjocnina Anutu zéma Minj Kewunina Yesu Kristoac ewa hia zéma luaenéh onac muru he énécmimac.

Filemonac goi héihéiya zéma ninzén ninzénja.

⁴⁻⁵ Filemon, ni ninzén ninzénnga zéma goi héihéiga Minj Kewunina Yesuac muru zéma ic téréya momac yanda nejanj muru hezac imuac buja surucya ninanzua. Nimma nalé séc zéwelecnaiguc qacga qacma Anutuna ewa hia ac ézéanzua. ⁶⁻⁷ Ic muna, gej ic embac téréya ewa qerigina mehiaru énécmianzanj imuac ninjac guac goi héihéiga iminéj ewa qerina mehiaru néju ségiségi yanda wanzua. Hénia imuac mia yomuhuc zéwelec ai meanzua; Iwawai hiabia hénia hénia ewa qerinaiguc Kristoac wamma késa keczinj imi ninjasari yacgéna, goi héihéiga ninzén ninzénnga igucnec hahaya iminéj héla sasala haimac.

* **1:2:** Kristoac hénia orinj imi téngin ic ésécnec Biria minjinaguc yaré qema seligima nambinjac hezac.

Paulonéh Onesimoac wamma Filemon zéwelecmiyec.

⁸ Imuac niñac, Kristoac qeriaiguc haka wambésémanñac hezac imi wambésémanñ niñac meefima ac selianec gézémanñac séc wanzac, nēj ⁹ imuhuc ménda wamma goi héihéiiguc namma zéwelec gémmañ zé wanzua. Imuac, ni ic nenjia Paulo, Kristo Yesuac wamma hésa ic kekeranéh ¹⁰ nuac ninzéh ninzéhñac nanna Onesimoac niñac welecgénzua. Inéh mia ni hésa qatéiguc tari imuaru nenaoc azi mema mihicñiwa ninzéh ninzéhñac nañna wañec. ¹¹ Ic imi becnec guac muru enomia kerec, nēj deguc imi guac muru zéma nuacmuru momacnec méra nérécmimacac séc wañecac keczac. ¹² Nuac wéiwécna keczac ic yomi méliwa lilingéma hazac. ¹³ Ic imi nena anjétiwinec buña suruc hiabia niñac wamma hésa qatéiguc tacba guac tatac késama méra némbacnec, ¹⁴ nēj ewa momac ménda wambésémanñiguc haka ménj ménda wammañ zé ninzua. Ewa hiawac aiganéh genja singawac qahac, nēj zéhinociguc wambañ niñac. ¹⁵ Ic imi nalé hotoñadac waigemma kerec imuac hénia imi, lilingéma hayu hémbénaña wagicbésémanñ niñac gezañ. ¹⁶ Degucmuacnec, ic imi welenj qeje ic qahac, nēj séha imi ogicma dacmunawac séciguc wagicbésémanñ. I nuac muru eeyaguc wanzac, nēj guac muru mia séc imi ogicma séwiguc zéma Miñ Kewuninawac qeriaiguc ic héra zéma dacmuna hélawac séc eeyaguc wammac.

¹⁷ Gi nuac niñ niñna ai momacga wanzuaiguc, héihéré néñanzañ éséc héihéré miwésémanñ.

¹⁸ Inéj guac muru haka biria ménj wanec, me taséya ménj hegénzaciguc imi nuacmuru haina nenaoc bisidacmañ. ¹⁹ Ac tetcgia yomi imi Paulo neñ mérananéj ozua. Nenaoc tasé imi kumañ. Genja kekecga iminéj nuac muru tasé ésécnec wanzac, néj imuac hénia imi ménda zéwa niñ qeliwésémañ. ²⁰ Ic muna, Miñ Kewuninawac qeriaiguc guac murunec ewa hia mihicñimañ zé ninzua. Kristoac qeriaiguc nuac ewa qerina mehiaruna.

²¹ Niñtoho wañ némbésémañ zéma ninzénge gémba ewana dénj wanzac. Welecgénzua imi séha ogicma ewa hiawac wañ némbésémañ imi niñtegicma kiwi yomi ogénzua. ²² Imuhuc wamma nuac niñac ama qeria saméja ménj qeusuñna nammac. Imi mia zéwelecgina niñac wamma niñnéju onac muru liliñgéma hamañ niñac qerinanéj haimambéc wanzua.

²³ Yesu Kristoac qeriaiguc nuac hésa ic alana keczac Epafira inéj yaizézégina zézac. ²⁴ Wañu Mareko zéma Aristako zéma Dema zéma Luka zéma nuac ai momachécna ieneñ acguc imuhucyanec wañ énécmizu. ²⁵ Miñ Kewunina Kristo Yesuac ewa hianéj qeri unjaginaguc hemac.

SISIPAC AC QJELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665